



Broj: 05/7-39-1-178-66/20

Sarajevo, 9. 12. 2020.

ZAPISNIK

sa 66. sjednice Vijeća nacionalnih manjina BiH, održane 7. 12. 2020. godine

Sjednica Savjeta nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manžalović Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Marija Grbić, Hakan Varan, Eva Pašić Juhas, Mladen Radmilović, Halil Bicaj, Dejan Pjetrovski i Jakob Finci.

Sjednici, iz opravdanih razloga, nisu prisustvovali: Tijana Vučurević i Vjeročka Gajić.

Pored članova Savjeta, sjednici su prisustvovali službenici Parlamentarne skupštine BiH: Aida Kreho, sekretar Zajedničke komisije za ljudska prava, i Enver Bogučanin, stručni savjetnik u Sektoru za odnose s javnošću.

Za sjednicu je predložen sljedeći

DNEVNI RED

1. Usvajanje Zapisnika sa 65. sjednice Vijeća nacionalnih manjina BiH;
2. Razmatranje Informacije o izboru predstavnika nacionalnih manjina u opštinskim/gradskim vijećima na Lokalnim izborima u BiH 2020. godine, podnosilac: Nedžad Jusić;
3. Razmatranje Prijedloga plana rada Vijeća nacionalnih manjina BiH za 2021. godinu;
4. Tekuća pitanja:
 - a) Upoznavanje sa dopisom Vijeća nacionalnih manjina Republike Srpske;
 - b) Upoznavanje sa dopisom g. Jusufa Jusufovića;
 - c) Ostalo.

Dnevni red jednoglasno je usvojen.

Ad. 1. Usvajanje Zapisnika sa 65. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik usvojen sa 15 glasova „za“ i jednim glasom „uzdržan“.

Ad. 2. Razmatranje Informacije o izboru predstavnika nacionalnih manjina u opštinskim/gradskim vijećima na Lokalnim izborima u BiH 2020. godine, podnosilac: Nedžad Jusić

Podnosilac Informacije o izboru predstavnika nacionalnih manjina u opštinskim/gradskim vijećima na Lokalnim izborima u BiH 2020. godine, Nedžad Jusić, predočio je članovima konkretne podatke o broju kandidovanih i izabranih pripadnika nacionalnih manjina na proteklim lokalnim izborima u BiH, te su u raspravi o ovoj tački dnevnog reda učestvovali i Tihomir Knežiček, Todorka Jovanović, Dragan Marković i Velibor Kuvač. Tom prilikom posebno je istaknuto da je na Lokalnim izborima u BiH 2020. godine bilo kandidovano 197 pripadnika nacionalnih manjina, od čega su izabrana ukupno njih 23. Od ukupnog broja izabranih, četiri su žene, a u smislu kandidata istaknuto je da je 10 kandidata bilo na listama kao nezavisni kandidati, 9 kandidata su kandidovale političke partije, dok su 4 kandidata bili kandidati grupe građana. Ukupni broj glasova za 197 kandidata bio je 8.000, od čega je čak četvrtina kandidata dobilo od 0 do 2 glasa, što i pored drugih pokazatelja ukazuje na neregularnosti izbornog procesa. Povodom rasprave o ovom pitanju, ponovno je pokrenuta i

jednoglasno prihvaćena inicijativa da se razmotri i na narednoj sjednici konačno definiše prijedlog izmjena i dopuna Izbornog zakona BiH, te pronade najbolji način njihovog dostavljanja Parlamentarnoj skupštini BiH, radi razmatranja i usvajanja.

Informacija o izboru predstavnika nacionalnih manjina u opštinskim/gradskim vijećima na Lokalnim izborima u BiH 2020. godine jednoglasno je primljena k znanju, te je jednoglasno usvojen prijedlog Tihomira Knežičeka da Vijeće uputi dopis Odboru za Rome pri Vijeću ministara BiH kojim će se tražiti informacija o odzivu pripadnika romske populacije na Lokalnim izborima u BiH 2020. godine.

Ad. 3. Razmatranje Prijedloga plana rada Vijeća nacionalnih manjina BiH za 2021. godinu

Predsjedavajući je, povodom ove tačke dnevnog reda, predložio da članovi Vijeća do 10. januara 2021. godine dostave svoje prijedloge aktivnosti za uvrštavanje u plan rada Vijeća za narednu godinu, ističući kako bi se u njemu svakako trebale naći aktivnosti koje nisu mogle biti realizovane u 2020. godini, usljed pandemije COVID-19, te aktivnosti kojima će se unaprijediti saradnja sa entitetskim savjetima/savezima, ali i udruženjima nacionalnih manjina s ciljem promocije kulture, jezika i istorije nacionalnih manjina, kao i aktivnosti radi konačnog uvođenja romskog jezika u škole.

S obzirom da dodatne rasprave nije bilo, članovi Vijeća su jednoglasno podržali nacrt plana rada, te odlučili da o njemu, u konačnoj verziji, raspravljaju na narednoj sjednici.

Ad. 4. Tekuća pitanja:

- a) Upoznavanje sa dopisom Vijeća nacionalnih manjina Republike Srpske;**
- b) Upoznavanje sa dopisom g. Jusufa Jusufovića;**
- c) Ostalo**

a) Upoznavanje sa dopisom Vijeća nacionalnih manjina Republike Srpske

Članovi Vijeća upoznali su se sa dopisom Savjeta nacionalnih manjina Republike Srpske te, na prijedlog Tihomira Knežičeka, sa 15 glasova „za“ i jednim glasom „uzdržan“ odlučili da upute dopis Vijeću nacionalnih manjina Republike Srpske, sa jasno iskazanim nezadovoljstvom sadržajem dostavljenog dopisa. Zaključeno je da se o konkretnom sadržaju odgovora odluči na narednoj sjednici.

b) Upoznavanje sa dopisom g. Jusufa Jusufovića

Članovi Vijeća upoznali su se sa upitom g. Jusufa Jusufovića, te jednoglasno zauzeli stav da Savjet nije nadležan za tumačenje zakonskih propisa na način kako se to traži upitom, te odlučili sa podnosioca o navedenom obavijeste dopisom i upute na Centralnu izbornu komisiju Bosne i Hercegovine i predstavnike vlasti Posavskog kantona, te podnosiocu dostave neslužbeni prečišćeni tekst Izbornog zakona Bosne i Hercegovine.

c) Ostalo

U okviru ove tačke nije vođena rasprava.

Sjednica je završena u 17.45 časova.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**